

QUATRELLE

Al Vént ad Tramuntana e al Sól

Un dì al Vént ad Tramuntana e al Sól i litgava, parché ùn al géva ch'l éra piú fòrt ad cl àltar, quand i à vist un viažadór ch'al gnéa avanti con un mantèl adòs. I d'ù alóra i à decìs che al piú fòrt al sarés-a-stà chi l avés fat cavàr zó al mantèl al viažadór.

Al Vént ad Tramuntana l à cumincià a supiar con tuta la fòrza ch'al g éa ind i palmón, ma piú al supiava piú al viažadór al sa stricava ind al sò mantèl. Ala fin l à lasà lì, parché an g éa piú fià. Alóra al Sól l à cumincià a scaldàr e al viažadór, santénd cald, al s è cavà al mantèl. Ala Tramuntana ag è tucà dir che al Sól l éra piú fòrt ad lé.

T è piasèst la fòla? La vót ripétar?